

# I sott a Motorrädle hau

## Notenblatt für Akkordeon

Schwäbisches Volkslied

Melodie: Volksweise

The musical score is written for an accordion in 3/4 time. The treble staff contains the melody, and the bass staff contains the accompaniment. The lyrics are written below the treble staff. The score is divided into two systems, each with five measures. The first system covers measures 1-5, and the second system covers measures 6-9. The lyrics are: 'I sott a Mo-tor-räd-le hau, des kawohl a je-der-ver-schtau, drum hon i en Na-gel-nuis kauft, e Räd-le, des sau-mä-ßig lauft.'

I sott a Motorrädle hau,  
des ka wohl a jeder verschtau,  
drum hon i en Nagelnuis kauft,  
e Rädle, des saumäßig lauft.

En Baur, der ladt grad sein Mischd,  
do hon i a Gosch voll v'rdwischd,  
's hot it grad noch Kalbsbrota g'schmeckt,  
i hett liabr was anderes g'schleckt.

Do fahr i ganz luschtig drauf los,  
achtzg Kilometr sinds bloß  
Pötz-Kuckuck, des dauret it lang,  
bis i an re Stroßebah hang.

Am Weg sctoht en sctoialta Ma,  
den fahr i an 'd Schieboiner na.  
Der wird wohl sei A'denka hau,  
meim Roller und mir hot's nix tau.

Zwoi Weibr, dia machet en Schwätz,  
wia Goißböck, so machet se Sätz!  
Se springet mr grad in mei Rad:  
zue dritt lieg' mr drin im Salat.

Zwoi Auto, dia raset drher,  
i hau glei denkt, des geit a Malöhr:  
Dia Rammel, dia fahret um d'Wett,  
und mi U'glückswurm sähet se net!

Grad num von dr Schtadtapothek,  
do rast auf mi zue en Kolleg.  
Z'mol hangt an meim Roller en Schuah,  
vom Fuaß no en Fetza drzua.

'S geit en donndrmäßiga Krach,  
und i fliag kopfiebr in a Lach,  
wach erscht wiedr auf imma Saal:  
se saget, des sei a Schpital.

I fahr liabr naus aus dr Schtadt,  
dia Bulla, dia hon i doch satt!  
Acht Schtrofzettl hon i im Sack,  
dia Dinger sind it noch meim G'schmack.

Mein Kopf schteckt ganz imma Schlips,  
alles andre in Watte und Gips.  
So lieg i halt kläglich im Nescht,  
vom Kerle en trauriga Rescht.

So gohts etzt aufs Land frisch drauf los,  
vo hinta und vorna schpritzt d'Soß,  
i iebrfahr in ra oinziga Schtund  
acht Henna, vier Gäns und en Hund.

Sei guat, dass i s' Rädle it sieh,  
se saget, 's sieht grad aus wie i.  
Etzt simmer halt boid ausranschiert:  
weil 's flicka sich nemme rentiert.

© [www.liederkiste.com](http://www.liederkiste.com)

Frei zum Gebrauch für private oder gemeinnützige Zwecke (z.B. Chöre, Kindergärten, Schulen etc),  
nicht jedoch zur anderweitigen Veröffentlichung.